

08.04.2016.



Upravni odbor Udruženja poslodavaca BPK Goražde održao je jučer 39. redovnu sjednicu na kojoj se našlo 13 tačaka dnevnog reda.

Nakon usvajanja Zapisnika sa 38.redovne sjednice Upravni odbor je razmatrao Finansijski izvještaj Udruženja poslodavaca za tri mjeseca u 2016.godini.

U nastavku sjednice Upravni odbor je utvrdio dnevni red i datum održavanja 10.Izvještajno-izborne Skupštine Udruženja poslodavaca BPK Goražde koja će se održati 28.4.2016.godine u 13,00 sati u „Biznis centru „ Goražde u ulici Sinan Paše Sijerčića br.19.

Upravni odbor je u skladu sa članom 26.Statuta Udruženja poslodavaca utvrdio prijedloge Izvještaja o radu za 2015.godinu, Program rada za 2016.godinu i Finansijski plan za 2016.godinu, koje će Skupština razmatrati i usvojiti.

Upravni odbor je donio Odluku o izboru Kandidaciono-izborne komisije koja ima zadatak da sačini prijedloge radnih tijela i članova u organima Udruženja poslodavaca BPK Goražde (predsjednika i zamjenika predsjednika Skupštine, predsjednika i članove Upravnog odbora, predsjednika i članove Nadzornog odbora) koje bira Skupština, te prilikom predlaganja učini napor da se obezbjedi ravnomjernija zastupljenost po osnovu reprezentativnosti i djelatnosti članova, regionalna i spolna zastupljenost, kao i posebni kriteriji kao što su: stepen

obrazovanja, broj zaposlenih kod poslodavca, ekonomsko-financijska snaga članova, iskustvo, dosadašnji doprinos u radu Udruženja poslodavaca.

Zadatak Kandidacione komisije je da održi zajednički sastanak, postupajući po svemu navedenom i dostavi prijedloge u roku od sedam dana predsjedniku Skupštine i sekretaru Udruženja poslodavaca BPK Goražde.



Upravni odbor je utvrdio i prijedlog za izmjenu i dopunu Statuta koji će biti Skupštini ponuđeno da usvoji.

Upravni odbor je donio tri odluke o iščlanjenju tri člana koji nisu aktivni članovi i neplaćaju članarinu i koji se nalaze pred gašenjem, te nepostupaju po odredbama Statuta. To su : Pašić d.o.o., SMI d.o.o. i Biljopromet d.o.o.

Upravni odbor je donio odluke o otpisu potraživanja za tri firme od kojih nema mogućnosti naplate potraživanja za članarinu. To su: Sabix d.o.o., Braća Karović d.o.o. i Pašić d.o.o.

Razmatran je i godišnji plan „Biznis centra“ Goražde, te se Upravni odbor upoznao sa aktivnostima koje će odvijati u centru tokom cijele godine.

Upravni odbor je donio i odluke o poklanjanju starog namještaja i otpisu određenog namještaja koji je bio u lošem stanju.

Na kraju sjednice Upravni odbor je razmatrao Nacrt Uredbe o kriterijima za finansiranje programa i projekata udruženja koji se finansiraju/sufiansiraju iz Budžeta BPK Goražde.

Zaključeno je da se pošalje dopis Ministarstvu za privredu BPK Goražde u kome će se tražiti da ovo ministarstvo dadne primjedbe na pomenutu Uredbu u dijelu posebnih kriterija za dodjelu sredstava udruženjima iz oblasti privrede.

□ **Tehnička služba**